



SIUMUT INATSISARTUNI ILAASORTAATITAT / LANDSTINGSGRUPPEN

Nuuk 22. februar 2010

Inatsisartut suleriaasiat § 36 imm. 1 naapertorlugu Naalakkersuisunut apequt imaattoq saqqummiuppara:

Naalakkersuisunut apequt:

1. **Innarluutillit qallunaat nunaanni højskolertinneqartarnerisa ukioq manna ammaateqqinnissat Naalakkersuisut pilersaarutigaat?**

2. **Nunatsinni innarluutillit ilinniaqqinnissaannut siunissami periarfissaat sunik qanorlu ittunik Naalakkersuisut pilersaaruteqarfigaat?**

(Inatsiartuni ilaasorta, Ruth Heilmann Siumut)

Tungavilersuut:

Ukiopassuarni nunatsinni innarluutilittatta danskit nunaannut aallartiinnarneqartarnerat qaangiussimalereerpoq, soorunami innarluutilittatta nunatsinni tamatigut iliuseqarfigineqarnissaat pingaarnepaajuassaaq. Sulili ullumikkut nunatsinni innarluutillit inuusuttut ilinniaqqiffissaannik periarfissaqartitsinerput tamakkiisunngorsimangilaq. Ukiuni kingullerni aammalu ullumikkut inuusuttorpassuit qallunaat nunaannut efterskolinut allatigullu ilinniarfinnut nunani allaniittunut periarfissarsiuuneqartarput tamannalu pissusissamisoorpoq nunarsuarmioqataanittami tamanna ersereriinnarpaa pitsaasoq. Innarluutilittatta aamma naligiimmik periarfissaqartittuarnissaat soorunami pissusissamisuuginnarpoq.

Soormi aamma innarluutilittatta ilinniagaqarnikkut periarfissaat inuusuttut allat periarfissaattulli pitsangorsaavigissanngilavut. Innarluutilittatta qallunaat nunaannut højskolertinneqartarnerat maannakkut Naalakkersuisuusunit sipaarfiginiarneqarpoq, taamaalilluni siusinnerusukku qallunaat nunaannut innarluutilittatta sisamaannannguugaluartut ilinniarnissaminnik qinnuteqarsinnaanerannik ajoraluartumik mattussisoqarpoq, akerlianik periarfissat annertusiartortinneqartussaagaluartut killormut iliortoqarpoq. Tamanna kusanangilluinnarpoq ajuusaarnarluni pissusissamisoor-nanilu.